




草木典第一百卷


著部彙考

釋名

著 詩經

筵草 詩注

著圖



詩經 曹風下泉

列彼下泉浸彼苞蓍

朱著筮草也

大陸氏曰似籟蕭青色科生本草注曰其生如蒿高五六尺一

本多者至三五十莖生便條直異於衆蒿秋後有花出枝端上紅紫色形如菊用其莖爲筮以知

吉凶故謂之神物

爾雅 釋草

莽馬帚

註似蓍可以爲掃

疏

莽草似蓍者今俗謂蓍莽可以爲掃蓍故一名馬帚註似蓍說文

云蓍蒿屬也生千歲三百莖可以爲卜策白虎通云此天地之間壽考物也故問之是也

史記 龜策傳

龜千歲乃遊蓮葉之上蓍百莖共一根又其所生獸無虎狼草無毒螫

註

徐廣曰劉向云龜千歲

而靈蓍百年而一本生百莖

下有伏靈上有兔絲上有擣蓍下有神龜所謂伏靈者在兔絲之下狀似飛鳥之形新雨已天清靜無風以夜捎兔絲去之卽以籊燭此地燭之火滅卽記其處以新布四丈環置之明卽掘取之入四

尺至七尺得矣過七尺不可得伏靈者千歲松根也食之不死聞著生滿百莖著其下必有神龜守之其上常有青雲覆之傳曰天下和平王道得而著莖長丈其叢生滿百莖方今世取著者不能中古法度不能得滿百莖長丈者取八十莖已上著長八尺卽難得也人民好用卦者取滿六十莖已上長滿六尺者卽可用矣

白虎通 著龜

天子下至士皆有著龜者重事決疑示不自專尚書曰女則有大疑謀及卿士謀及庶人謀及卜筮定天下之吉凶成天下之亹亹者莫善於著龜禮三正記曰天子龜長一尺二寸諸侯一尺大夫八寸士六寸龜陰故數偶也天子著長九尺諸侯七尺大夫五尺士三尺著陽故數奇也所以先謀及卿士何先盡人事念而不能得思而不能知然後問於著龜聖人獨見先睹必問著龜何示不自專也或曰精微無端緒非聖人所及聖人亦疑之尚書曰女則有疑謂武王也乾草枯骨衆多非一獨以灼龜何此天地之間壽考之物故問之也龜之爲言久也著之爲言耆也久長意也龜曰卜著曰筮何卜赴也爆見兆筮也者信也見其卦也尚書卜三龜禮士冠經曰筮於廟門外筮畫卦所以必

於廟何託義歸智於先祖至尊故因先祖而問之也卜春秋何方以爲於西方東面蓋著之處也卜時西嚮已卜退東何問著於東方面以少問老之義皮弁素積求之於質也禮曰皮弁素積筮於廟門之外或曰天子占卜九人諸侯七人大夫五人士三人又尙書曰三人占則從二人之言不見吉凶於著復以卜何著者陽道多變變乃成龜以制火灼之何禮雜記曰龜陰之老也著陽之老也龍非水不處龜非火不兆以陽動陰也必以荆者取其究音也禮三正記曰灼龜以荆以火動龜不以水動著何以爲嘔則是也著龜敗則埋之何重之不欲人襲尊者也

張華博物志 著

著一千年而三百莖其本以老故知吉凶著末大於本爲上吉筮必沐浴齋潔食香每月望浴著必五浴之浴龜亦然 著末大於本爲上吉次蒿次荆皆如是龜著皆月望浴之

陸佃埤雅 著

著蒿屬也從耆草之壽者也六十曰耆卦之別六十有四著數窮於此且著所指非極數也博物志曰以老故知吉凶生千歲三百莖同本其上常有黃雲覆之易以爲數天子著長九尺諸侯七尺大

夫五尺士三尺亦有美惡如龜焉故周官箬人上春相箬也易曰蓍之德圓而神卦之德方以知又曰神以知來知以藏往其孰能與此哉古之聰明叡知神武而不殺者夫古之聰明叡知神武而不殺者蓋主文王言之文王重易六爻故繫辭主意如此爾說者以爲泛論聖人誤矣文王以文治所謂神武而不殺者也或曰重卦伏羲爾今曰文王重卦奈何曰伏羲重卦重三畫於前文王重卦重六爻於後何用知伏羲重卦重三畫於前以書曰十五占用二曰貞曰悔周官曰太卜掌三易之法其經卦皆八其別皆六十有四知之也故曰八卦成列象在其中矣因而重之爻在其中矣何用知文王重卦重六爻於後以司馬遷曰伏羲至純厚作易八卦蓋西伯拘而演易揚雄曰易始八卦而文王六十四知之也故曰易之興也其當殷之末世周之盛德耶當文王與紂之事耶按乾鑿度曰垂皇策者義伏羲用蓍則卦固已重矣然而世質民淳古法惟用七八六十四卦皆不動若乾止於乾坤止於坤不能變也夏商因之皆以七八爲占連山歸藏是已後至文王世益澆薄占法始用九六蓋不如此不足以應天下之變也今易是已六十四卦皆動若乾六爻皆九初九可變而之姤九二可變而之同人坤六爻皆六初六可變而之復六二可變而之臨所謂重卦於是爲至左氏曰周

易有之在乾之姤曰潛龍勿用其同人曰見龍在田又曰遇艮之八是謂艮之隨傳曰周易以變者爲占是也然則伏羲重七八文王重九六由是觀之伏羲亦重卦而馬遷揚雄伏羲作易八卦文王六十四蓋各以其盛者言之也

羅願爾雅翼 著

聖人幽贊於神明而生蓍蓍草也初不待聖人而生蓋通天之道窮物之理備物致用以爲天下利故能擇物之神者用之夏商欲卜者乃取蓍龜已則棄去之以爲龜藏則不靈蓍久則不神至周室之上官常寶藏蓍龜天子蓍長九尺諸侯七尺大夫五尺士三尺蓍陽故數奇其藏蓍之器曰韞韞有二以皮爲之其一從上而下韞之其一從下而上韞之少宰禮曰史西面於門西抽下韞左執筮右兼執革以繫筮將問吉凶故繫之以動其神蓍雖寶藏猶有時以易故筮人上春相筮先儒以爲相謂更選擇之龜筮歲易者歟蓋龜人以春攻龜筮人春相之故知以新易故古者國之大事先筮而後卜然魯生季友晉戰城濮皆先卜而後筮者蓋太史公所謂三代蓍龜大小先後各有所尙要其歸等爾是也春秋傳稱筮短龜長不如從長莫得其說按龜策傳江南長老云龜千歲乃遊蓮

葉之上著百莖共一根其所生獸無虎狼草無毒螫說者曰著百年則百莖矣蓋龜歷年深故知來亦長著歷年近故知來亦短亦龜象著數物生而後有象象而後有滋滋而後有數則龜在先著在後短長之驗也龜著皆靈物用既相須故生亦相附龜策傳又曰上有叢著下有神龜著生滿百莖者其下必有神龜守之其上常有青雲覆之固靈氣相召亦天地鬼神所保守然則其龜卽周禮十龜中所謂筮龜者也龜爲卜著爲筮龜而謂之筮以其生於著叢也著之爲字从耆耆者六十歲也王充論衡孔子曰著之爲言耆也老人歷年多而更事久似能前知然何獨六十龜策傳曰天下和平王道得而著莖長丈其叢生滿百莖方今世取著者不能中古法度不能得滿百莖長丈者取八十莖已上長八尺卽難得也人民好用卦者取滿六十莖已上長滿六尺者卽可用矣然則自其可用者而言之廣爲六十莖從爲六十寸故應耆耳著實服之亦聰惠先知

本草綱目 著集解

別錄曰著實生少室山谷八月九月采日乾

蘇恭曰此草所在有之其莖可爲筮陶氏誤以楮

實爲之楮實味甘此味苦今正之

蘇頌曰今蔡州上蔡縣白龜祠旁其生如蒿作叢高五六尺

一本一二十莖至多者五十莖生便條直所以異於衆蒿也秋後有花出於枝端紅紫色形如菊花結實如艾實史記龜策傳云龜千歲乃遊於蓮葉之上著百莖共一根所生之處獸無虎狼草無毒螫徐廣註云劉向言龜千歲而靈著百年而一本生百莖也褚先生云著滿百莖其下必有神龜守之其上常有青雲覆之傳云天下和平王道得而著莖長丈其叢生滿百莖方今取著者八十莖已上長八尺者卽已難得但得滿六十莖已上長六尺者卽可用矣今蔡州所生皆不言如此則此類亦神物故不常有也 李時珍曰著乃蒿屬神草也故易曰著之德圓而神天子著長九尺諸侯七尺大夫五尺士三尺張華博物志言以求大於本者爲主次蒿次荆皆以月望浴之然則無著揲卦亦可以荆蒿代之矣

實氣味

苦酸平無毒

主治

本經曰益氣充肌膚明目聰慧先知久服不饑不老輕身

葉主治

李時珍曰瘡疾

附方

腹中痞塊著葉獨蒜穿山甲末食鹽同以好醋搗成餅量痞大小貼之兩炷香為度其痞化為膿血

從大便出

劉松石保壽堂方

直省志書 陳州

物產著草義陵上者佳

上蔡縣

物產著叢生高四五尺一本數莖末稍小枝細密根多橫蘆葉碎葇華開黃紫二色結實如艾有龍頭鳳尾之名昔生伏羲廟旁著草圈八卦臺下明末圈頽今生曠野

著部藝文一

著賦

晉傅元

春邁衡德於青陽混百卉而萌生逮朱夏而脩茂暨商秋而堅貞雖離霜而未彫與潛龜乎通靈於是原極以道握形以度以類萬物之情以通天下之故豈惟終始於事業乃參天而倚數稟原野之蕭條升雲階而內御運茲莖於掌握爰象形而星布信鉤深而致遠實開物而成務

神著立賦

并序

唐潘炎

景龍三年九月十七日上使韓從禮著筮卦未成著自立從禮曰大人之瑞也賦曰

惟彼神著生而有知用之不測明以稽疑擢九尺之纖翰伏千年之寶龜德圓而神兮無幽不及其生三百兮其用五十惟聖人之觀象乃神動而鬼入列八卦以效變翹孤莖而子立數彰得一命乃自天同大橫之有夏表或躍而在田其察也深其功也大稱美名於神物齊妙用於神蔡是曰元后茲爲筮從氣受陰陽夜分而彩露兼涵幽贊天地朝覆而輕雲數重著而有靈立定天保可謂神助用光天造功深莫善仲尼且許以鉤深屈於不知太公徒言乎腐草著之立兮發其祥吾君得之尊以光明乎太極演彼歸藏因卜祝之符瑞應天人之會昌

神著賦

康子玉

神著之用兮誠稟靈於自然唯神也適變之義至唯用也極數之理全鉤深孰云乎筮短藏密彌彰
於德圓再三則蒙捨我而懼瀆五十以學由我而樂天揲之而雖隱必索保之而其靜愈專易之重
者胡可比焉原夫質稟精粹叢分蓂蕢覆青雲以表奇伏元龜而克配佐爾筮之貞吉觀我生之進
退知微知章而可期何思何慮而或昧於是命彼筮人擇乎上春韞之而必致其用揲之而爰動其
神感以洗心遂通端策之志執之指掌空噴握粟之倫禮事其儀易贊其妙揲彼幽蹟觀其祕要皆
多假爾之能必叶窮神之照將欲觀貞諒無與京乾道變化而悟神明幽贊而生原始要終思盡性
於大衍知來數往翼明彖於小成非我無以昭效法之道非我無以稽作易之情於以致百慮於以
類萬物象四時四十九數而有常推三才三百六旬而不拂惟著之用惟神是聽運不窮而或變通
其志而遂窻且提攜而成列有感應而協靈滋而後數布之而可辨生而成象審之而必形何一卉
之時育配十朋之天縱恥紅蘭之見鋤鄙白茅之藉用則知夫著之可貴也庶類安能而共之哉

著草賦

有序

元楊維禎

予比年以來喪訟病患交侵並集毗陵孟侯宗鎮屢爲予布策筮之無以謝不敏退而作著賦且

復作憂釋以自廣此又予之心著也

客有靈氛手執筵兮惠而告我草之靈兮上蔡之野少室陽兮孕毓陰陽葆元精兮仁風旁翼甘露
零兮神龜下守紫霧騰兮煜煜煒煒盈百莖兮辟易神姦贊幽明兮收厥枯蓂復精氣兮擇賢而畀
稽疑志兮韜以纁帛皂囊闕兮納於櫝中北牀置兮樅策定數發貞悔兮粵若定策肇義皇兮歷代
是寶假有常兮相乎靈龜孰短長兮塗山之兆夏后王兮百穀之筮周室昌兮國家將興必有祥兮
神機發動亦孔彰兮大哉聖人參天地兮鬼神吉凶不相悖兮何智有所不勝人有所不逮兮書方
者矩畫圓者規兮嗟彼枯莖物有所濟兮爾有大疑謀及筮兮我聞其言如醉醒兮我有大疑所未
明兮請索蓍茅爲余正兮盜蹠考命顏闕生兮陽貨據位孔卒行兮或弱冠司袞而七十食牛兮或
三葉皓首而七世珥貂兮或死滅以賂而宮以幽兮或捐印俱走而閣以投兮姣好嫖女惡孟姬兮
寶器康瓠擲天璆兮元稹焚棄鉤吻以爲羞兮吁嗟乎幹流廻穴紛推遷兮禍福去就我不知其然
兮於是靈氛端策爲余占兮卦遇元鳥曰道無慊兮汝獨修潔衆皆貪婪兮毋警爾直而圓爾廉兮
天其未定天懜懜兮亦既有定靡弗勝兮逍遙自然與道息兮毋惑所不通確守而則兮占言惟吉

元鳥白兮再拜吉占服之無斃兮

著草臺記

明楊埏

上蔡古建侯之國也由東門不二里許有水一脉縈紆委折東流三十里注於洪河舊有元龜素甲
縞身浮游其中故名曰蔡溝適溝強半有臺際然臨於溝北臺之四周方廣餘二十頃著草叢生其
間首若龍矯尾若鳳翔盈於臺畔伏羲氏作取而筮之以盡八卦之變故名曰著臺又於其西北爲
八卦臺後人建白龜廟於臺上以祀元龜之神其創始歲月漫不可考意者唐虞三代之舊與不然
自伏羲以來上下數千年間樵丁牧豎日操斧刃以相從著與廟湮沒久矣孰知禁禦而修葺之邪
洪武初朝廷稽古右文崇尙易道爰命禮部遣官經理之以故地二十五頃贍護著臺禁民不得耕
牧東抵青龍溝去臺九百武南抵朱雀坑去臺二百武西抵朱馬河是爲白虎溝視南加三之二有
奇北至元武坑倍南之數而殺其四十五臺四周限以溝塍設守臺戶趙伯成丁佳兒彭得辛相繼
領其事迨今逾百年歲久弊滋守臺者利其地之入與近臺之家冒禁爲奸利日侵月剝盜耕其四
之一以爲私有爲縣令者經幾政理莫之誰何今仁和錢侯來守汝寧凡政有不便或廢缺者皆罷

行之且喟臺廟廢弛乃命縣尹劉鼎親詣臺下葺而新之正其四疆而治其侵奪者於是堂與廟穹然居中尊嚴整飭而前後左右或起或伏恍若有神呵護之者役成命填爲文以識歲月竊惟太昊伏羲氏觀龍馬之圖始畫八卦宣洩元祕幽贊神明故靈著繁殖見於故都之近地探賾索隱鉤深致遠定天下之吉凶成天下之亹亹者莫大乎是故臺存則著存而易道之用神龜之靈因以顯白於世後之人因著以求易因易以求聖人之道則於神道其殆庶幾豈特無大過而已哉然則臺與廟關乎易道之顯晦人事之得失其不輕而重也昭昭矣侯留意於是可謂知所先務後之爲守若令者尙嗣而葺之毋替侯之用心也哉

著部藝文二

詩

詠著

梁范鐫

數奇不可偶性直誰能紆禎蔡伏靈異祥雲降溫腴

著部紀事

歸詩外傳孔子出遊少源之野有婦人中澤而哭其音甚哀孔子使弟子問焉曰夫人何哭之哀婦

人曰鄉者刈著薪亡吾著簪吾是以哀也弟子曰刈著薪而亡著簪有何悲焉婦人曰非傷亡簪也蓋不忘故也

列仙傳老萊子著艾爲席

宋書王微傳微常住門屋一間尋書玩古如此者十餘年太祖以其善筮賜以名著

記纂淵海中宗將祀南郊元宗來朝京師將行使術士韓從禮筮之著一莖子然獨立從禮驚曰著立其瑞非常也

玉女潭記靈著臺方三十尺有奇始築臺而著生也

著部雜錄

易經繫辭著之德圓而神卦之德方以知

探賈索隱鉤深致遠以定天下之吉凶成天下之亹亹者莫大乎著龜

說卦傳昔者聖人之作易也幽贊於神明而生著

禮記曲禮龜曰卜著曰筮

周禮春官筮人上春相筮

注謂更選擇其筮也

左傳著短龜長不如從長

史記龜策傳龜藏則不靈著久則不神

能得百莖著并得其下龜以下者百言百當足以決吉

凶

洪範五行傳著之爲言者也百年一本生百莖此草木之壽亦知吉凶者聖人以問鬼神

逸禮天子之著九尺諸侯七尺大夫五尺士三尺著千歲三百莖者先知也

淮南子上有蓍著下有伏龜

論衡著生七十歲生一莖七百歲生十莖神靈之物故遲也

演繁露諸家多言著以七爲數至其何以用七則莫有言者意謂七七四十九正著之用耳歷攷諸易自數總以及數變皆無以七爲祖者獨有七爲少陽固在四策之一然此之七也進之不得爲陽數之極退之不能爲陽變之祖則七在四策中特其列數之一耳安能總攝他數也顧獨於末流取四十九以配七七而謂著數之祖何所本也

卷終